



## EU4ITD – ეკონომიკური და სოციალური ცხოვრების კატალიზატორი (CESL)

### საპროექტო იდეების კონკურსი ეკონომიკური ღირებულებათა ჯაჭვის(ების) გასაუმჯობესებლად

ევროკავშირისა და გერმანიის მთავრობის მიერ დაფინანსებული პროექტის “EU4ITD – ეკონომიკური და სოციალური ცხოვრების კატალიზატორი” (CESL) მიზანია საქართველოს ოთხი რეგიონის (გურია, იმერეთი, კახეთი და რაჭა-ლეჩხუმი და ქვემო სვანეთი) მოსახლეობის შემოსავლის წყაროების გაუმჯობესება, რაც ხელს შეუწყობს ამ რეგიონებიდან ადამიანების თბილისში მიგრაციის შემცირებასა და საქართველოს რეგიონებში საცხოვრებლად გადასვლის მოტივაციის ზრდას. აღნიშნულ პროექტს GIZ-ი ეროვნული ინიციატივის სახელად საპილოტე რეგიონების ინტეგრირებული განვითარების პროგრამის ფარგლებში ახორციელებს, საქართველოს რეგიონული განვითარებისა და ინფრასტრუქტურის სამინისტროსთან კოორდინაციით.

CESL-ის ერთ-ერთ მიმართულებას წარმოადგენს შემოსავლების გენერირების სტიმულირება (გამოუყენებელი ეკონომიკური პოტენციალის გააქტიურების გზით), შესაბამისად, პროექტისათვის საინტერესოა:

- რეგიონულ ან კონკრეტული ადგილმდებარეობისათვის დამახასიათებელ ეკონომიკურ ღირებულებათა ჯაჭვებში არსებული სუსტი რგოლების იდენტიფიცირება, და
- ფინანსების გამოყოფა მათ გასაძლიერებლად.

ამ მიზნით, CESL-ი აცხადებს საპროექტო იდეების კონკურსს.

მიღებული განაცხადების სათანადო შემოწმებისა და შეფასების შემდეგ, შესაძლებელი იქნება წარმოდგენილი იდეის განხორციელებისათვის საჭირო აქტივობების დაფინანსება.

კონკურსის ძირითადი მოთხოვნები:

- საპროექტო იდეა წარმოდგენილი უნდა იყოს იურიდიული პირის მიერ, რომელიც: 1) რეგისტრირებულია და მოქმედებს CESL-ის რომელიმე რეგიონში (რაჭა-ლეჩხუმი და ქვემო სვანეთი, გურია, იმერეთი და კახეთი). 2) დაარსებულია საზოგადოებრივი კეთილდღეობის ხელშეწყობის მიზნით (აღნიშნული მკაფიოდ უნდა ჩანდეს სარეგისტრაციო დოკუმენტაციაში).
- საპროექტო იდეებს პირველ რიგში „საზოგადოებრივი კეთილდღეობის“ ხელშეწყობის მიზანი უნდა გააჩნდეს.
- საპროექტო იდეა უნდა ეხებოდეს რეგიონული მასშტაბის და/ან კონკრეტულ ადგილთან (ან ადგილებთან) დაკავშირებულ ღირებულებათა ჯაჭვს - მაგალითად, არსებობს რეგიონისათვის დამახასიათებელი კონკრეტული პროდუქციის ან მომსახურებისთვის საჭირო მასალის (ან ნედლეულის) ადგილზე წარმოების რესურსი, მაგრამ ხდება მათი შემოტანა სხვა ტერიტორიიდან. ან პირიქით, რეგიონისთვის დამახასიათებელია კონკრეტული ნედლეულის წარმოება, მაგრამ მათგან საბოლოო პროდუქციის მიღება ხდება სხვა ადგილას. გარდა ამისა, თითოეული ღირებულებათა ჯაჭვი პირდაპირ უნდა ეხებოდეს CESL-ის მიერ დაფარულ მინიმუმ ერთ რეგიონს.

- წარმოდგენილ საპროექტო იდეებში მკაფიოდ უნდა იყოს იდენტიფიცირებული ღირებულებათა ჯაჭვში არსებული ნაკლოვანებები და მოცემული უნდა იყოს მათი აღმოფხვრის გზები.
- წარმოდგენილი საპროექტო იდეებით შემოთავაზებული საქმიანობა მაქსიმუმ 2025 წლის 30 ივნისს უნდა სრულდებოდეს.

დაინტერესების შემთხვევაში, ქართულ ენაზე შევსებული განაცხადები, თანდართული ფორმის გამოყენებით (დანართი 1.), უნდა გამოიგზავნოს შემდეგ ელ. ფოსტაზე: [eu4itdcesl@giz.de](mailto:eu4itdcesl@giz.de). მაქსიმალური და მინიმალური ბიუჯეტების საორიენტაციო ოდენობებია შესაბამისად 150,000 და 30,000 ლარი, თუმცა ამ თანხებზე მაღალი ან დაბალი ოდენობებიც შეიძლება იქნას განხილული. ამჟამად, ამ კონკურსისთვის გამოყოფილი თანხა 100,000 ევროს შეადგენს, განაცხადების მიღება 2024 წლის 30 ნოემბრამდე გაგრძელდება (ან მანამ, სანამ გამოყოფილი თანხები იქნება ათვისებული).

განაცხადის მიღების შემდეგ, CESL-ი კომპლექსური შემოწმების შესაბამის პროცედურებს (იურიდიული ექსპერტიზა) განახორციელებს (რომლის დროსაც სავარაუდოდ მოხდება აპლიკანტთან დაკავშირება და შესაძლოა ადგილზე ვიზიტიც განხორციელდეს). ამის შემდეგ მოხდება საპროექტო იდეის ამ დოკუმენტის შემდეგ გვერდზე მოცემულ კრიტერიუმებთან შედარება; ამ პროცესში, CESL-ის კომპლექსური შემოწმების შედეგებიც იქნება გათვალისწინებული. აპლიკანტებს ოფიციალურად ეცნობებათ შეფასების შედეგები.<sup>1</sup> დადებითი პასუხის შემთხვევაში, CESL-ი, აპლიკანტთან პროექტის შინაარსთან, მეთოდებთან და საკონტრაქტო ურთიერთობებთან დაკავშირებით დეტალურ მოლაპარაკებებს გამართავს. (სავარაუდოდ კონტრაქტი საგრანტო დაფინანსების სახით იქნება გაფორმებული, რომელიც GIZ-სა და აპლიკანტს შორის დაიდება).

კითხვების არსებობის შემთხვევაში დაუკავშირდით CESL-ს რეგიონულ წარმომადგენლებს: [mariam.zhorzhikashvili@giz.de](mailto:mariam.zhorzhikashvili@giz.de) (გურია, იმერეთი და რაჭა-ლეჩხუმი და ქვემო სვანეთი) და [zurab.tsignadze@giz.de](mailto:zurab.tsignadze@giz.de) (კახეთი).

<sup>1</sup> გაითვალისწინეთ, რომ თუ განაცხადები მიღებული იქნება არაკვალიფიციური აპლიკანტებისგან; თუ განაცხადების მთავარი მიზანი საზოგადოებრივი სარგებლის მიღება არ იქნება და თუ ისინი CESL-ის მიერ დაფარულ რომელიმე რეგიონისთვის ან ადგილისთვის დამახასიათებელ ღირებულებათა ჯაჭვებს არ ეხება, მაშინ ამგვარი განაცხადების შეფასება ან აპლიკანტებთან დაკავშირება არ მოხდება.

## შეფასების კრიტერიუმები და ქულების მინიჭების სქემა

ქვემოთ ცხრილში მოცემულია განაცხადების შეფასების კრიტერიუმები და ასევე ქულების მინიჭების სქემა. თითოეულ განაცხადს 0-დან 10-მდე ქულა თითოეული კრიტერიუმის მიხედვით ენიჭება<sup>2</sup>. 6 შემდეგ ეტაპზე გადასასვლელად საჭირო „მინიმალურ“ ქულად ითვლება. ამის შემდეგ ხდება თითოეული ქულის გამრავლება შესაბამისი კრიტერიუმის წონის მიხედვით, რის შედეგადაც მაქსიმალური ქულის გამოთვლა მოხდება (თუმცა ეს მაქსიმალური ქულა 1,000-ზე მეტი ვერ იქნება). მოსალოდნელია, რომ CESL-ი აპლიკანტთან მოლაპარაკების ეტაპზე მხოლოდ იმ შემთხვევაში გადავა თუ საპროექტო იდეა 700 (ან მეტ) ქულას მიიღებს (ამასთან ერთად, აღნიშნულმა იდეამ თითოეულ კრიტერიუმში გამსვლელი ქულები უნდა მიიღოს).

კრიტერიუმი	ქულების დიაპაზონი	გამსვლელი ქულა	წონა	წონაზე გამრავლების შემდეგ მიღებული ქულა
რელევანტურობა	0-დან 10-მდე	6	35	210
განხორციელებადობა	0-დან 10-მდე	6	35	210
მდგრადობა	0-დან 10-მდე	6	15	90
მონდომების ხარისხი	0-დან 10-მდე	6	15	90

**სულ**

**600**

მეტი სიცხადისთვის, ქვედა ცხრილში მოცემულია თითოეული კრიტერიუმი, რომელსაც შესაბამისი ძირითადი კითხვები მოჰყვება.

<sup>2</sup> 0-დან 1.9-მდე – ძალიან ცუდი, 2-დან 3.9-მდე – ცუდი, 4-დან 5.9-მდე – არადაამაკმაყოფილებელი; 6 – დამაკმაყოფილებელი; 6.1-დან 7.9-მდე – კარგი, 8-დან 10-მდე – შესანიშნავი

კრიტერიუმი	ძირითადი კითხვები
რელევანტურობა	<ul style="list-style-type: none"> <li>• იდენტიფიცირებული ღირებულებათა ჯაჭვი რეალურია და საკმარისად კონკრეტულია, რათა CESL-ის პროექტის ფარგლებში მასზე მუშაობა განხორციელდეს (მაგალითად „ტურიზმის ღირებულებათა ჯაჭვი“ ძალიან ბუნდოვანი ტერმინი იქნებოდა).</li> <li>• ღირებულებათა ჯაჭვი ან რეგიონული მასშტაბისა ან კონკრეტულ ადგილს ეხება (ან ორივე).</li> <li>• ღირებულებათა ჯაჭვი CESL-ის მიერ დაფარული ოთხი რეგიონიდან მინიმუმ ერთს მაინც ეხება.</li> <li>• ღირებულებათა ჯაჭვში იდენტიფიცირებული ნაკლოვანება რეალურად არსებობს და მის აღმოფხვრაზე მუშაობა ღირს (მაგალითად, ის არ არის იმდენად მცირე ნაკლოვანება, რომ მისი აღმოფხვრა დიდ ცვლილებას არ გამოიწვევს (მაგალითად შესაბამისი აქტორების შემოსავლების კუთხით)).</li> <li>• შემოთავაზებულ პროექტს საზოგადოებრივი სარგებლის მოტანის მკაფიო მიზანი გააჩნია.</li> <li>• შემოთავაზებული პროექტი კერძო ინვესტორის მიერ (მარტივად) ვერ განხორციელდება - მაგალითად, ნებისმიერი სახის სახელმწიფო დაფინანსებით კერძო სექტორის ჩანაცვლება ვერ ხდება.</li> <li>• შემოთავაზებული პროექტის არსებული ნაციონალური პროგრამების ფარგლებში (მარტივად) დაფინანსება ვერ მოხდება.</li> </ul>

კრიტერიუმი	ძირითადი კითხვები
განხორციელებადობა	<ul style="list-style-type: none"> <li>• ღირებულებათა ჯაჭვში იდენტიფიცირებული ნაკლოვანების აღმოფხვრაზე მიმართული გადაწყვეტის გზა დამაჯერებელია; აღნიშნული გადაწყვეტა პირველ რიგში ამ ნაკლოვანების არსებობის მიზეზს ითვალისწინებს.</li> <li>• აღნიშნული გადაწყვეტის განხორციელებისთვის შემოთავაზებული აქტივობები: 1) რეალისტურია; 2) მითითებულ ბიუჯეტს შეესაბამება; 3) შესაძლებელია რომ დასრულდეს 2025 წლის 30 ივნისამდე.</li> <li>• მოსალოდნელია, რომ საზოგადოებრივი სარგებლის მიღება პროექტის განხორციელების ბოლოს (ან პროექტის დასრულებიდან ცოტა ხანში) იქნება შესაძლებელი.</li> <li>• აქტივობების განხორციელებაზე პასუხისმგებელ იურიდიულ პირს (პირებს) შესაბამისი შესაძლებლობები/პოტენციალი გააჩნია.</li> <li>• პროექტის განხორციელებასთან დაკავშირებული მფლობელობასთან და გამოყენების უფლებამოსილებასთან დაკავშირებული ყველა საკითხი (მაგალითად მიწის ან ქონების მფლობელობასთან/გამოყენების უფლებასთან დაკავშირებული საკითხი) მოგვარებულია (მაგალითად, საპროექტო იდეის ავტორი იურიდიული პირი ფლობს ან აქვს უფლება რომ გამოიყენოს ის შენობა, სადაც ახალი აღჭურვილობა უნდა იქნას დამონტაჟებული).</li> </ul>
მდგრადობა	<ul style="list-style-type: none"> <li>• პროექტის დასრულების შემდეგ არსებობს ნათელი და დამაჯერებელი გზა მისი შედეგების შესანარჩუნებლად (მაგალითად პასუხისმგებელ ორგანიზაციებს აქვთ სახსრები საგრანტო დაფინანსებით შექმნილი აღჭურვილობის მოვლა-პატრონობისთვის).</li> <li>• პროექტის განხორციელების შემდგომი პერიოდისთვის გამოყოფილ პასუხისმგებელ პირს (პირებს) აქვს შესაბამისი შესაძლებლობები და დაინტერესება.</li> </ul>

კრიტერიუმი	ძირითადი კითხვები
<p><b>მონდომების ხარისხი</b></p>	<ul style="list-style-type: none"> <li>• პროექტის განხორციელებაზე და პროექტის დასრულების შემდგომი პერიოდისთვის გამოყოფილ პასუხისმგებელ პირი (პირები) პროექტის მიმართ ინტერესს გამოხატავს (მაგალითად ენთუზიაზმის, ორგანიზაციის ბუნებიდან გამომდინარე ან შესაძლოა კომერციული დაინტერესების სახით).</li> <li>• დაგეგმილია ისეთი დამატებითი აქტივობების განხორციელება, რომლებიც არ არის CESL-ის პროექტით გათვალისწინებული (მაგალითად ისეთი აქტივობები, რომელთა განხორციელებას თავად აპლიკანტი დამოუკიდებლად აპირებს).</li> <li>• დაგეგმილია დამატებითი ფინანსური სახსრების გამოყოფა, რომლებიც CESL-ის პროექტით არ არის გათვალისწინებული (მაგალითად სხვა წყაროებიდან გამოყოფილი სახსრები - აპლიკანტის საკუთარი ბიუჯეტიდან გამოყოფილი ან საქართველოს სახელმწიფო პროგრამებისგან მოზიდული სახსრები)</li> </ul>

## დანართი 1

### განაცხადის ფორმა

წინამდებარე ფორმის შევსებასთან დაკავშირებული რჩევები დახრილი ასოებით არის დაბეჭდილი, საბოლოო ფორმაში ეს რჩევები არ უნდა იყოს მოცემული.

ზოგადი ინფორმაცია	
აპლიკანტი	მიუთითეთ თქვენი სახელი და გვარი/დასახელება, პირადობის ნომერი (სადაც ეს რელევანტურია) და იურიდიული სტატუსი
საკონტაქტო პირი	მიუთითეთ პირის სახელი და გვარი, პოზიცია, ელ. ფოსტის მისამართი და ტელეფონის ნომერი.
პროექტის დასახელება	მიუთითეთ პროექტის დასახელება. სათაური ერთ ხაზს არ უნდა აღემატებოდეს

პროექტის შინაარსი	
საპილოტე რეგიონები	მიუთითეთ CESL-ის მიერ დაფარულ რომელ რეგიონს ეხება საპროექტო იდეა (მაგალითად გურია, იმერეთი, კახეთი ან რაჭა-ლეჩხუმი და ქვემო სვანეთი)
ღირებულებათა ჯაჭვი	აღწერეთ საპროექტო იდეით დაფარული ღირებულებათა ჯაჭვი, მათ შორის შესაბამისი გეოგრაფიული ადგილები.
ღირებულებათა ჯაჭვში არსებული ნაკლოვანება	აღწერეთ ღირებულებათა ჯაჭვში გამოვლენილი ნაკლოვანება.
ღირებულებათა ჯაჭვში არსებული ნაკლოვანების მიზეზი	ახსენით რატომ არსებობს ღირებულებათა ჯაჭვში იდენტიფიცირებული ნაკლოვანება (მაგალითად ამ ნაკლოვანების აღმოფხვრა კომერციულად არ არის მიმზიდველი და შესაბამისად მას კერძო სექტორი არ აქცევს ყურადღებას).
შემოთავაზებული გადაწყვეტის გზა	აღწერეთ ღირებულებათა ჯაჭვში იდენტიფიცირებული ნაკლოვანების აღმოფხვრის შემოთავაზებული გზა.
საზოგადოებრივი სარგებელი	აღწერეთ თუ რა საზოგადოებრივი სარგებლობის მიღებაა მოსალოდნელი ღირებულებათა ჯაჭვში იდენტიფიცირებული ნაკლოვანების აღმოფხვრის შედეგად.
აქტივობები	აღწერეთ რა აქტივობებია განსახორციელებელი (და ვის მიერ) იმისთვის, რომ აღნიშნული ნაკლოვანების აღმოფხვრის თქვენს მიერ შემოთავაზებული მეთოდი განხორციელდეს.
პროექტის განხორციელების შემდგომი პერიოდი	აღწერეთ რა უნდა გაკეთდეს (და ვის მიერ) პროექტის დასრულების შემდეგ (ანუ საგრანტო დაფინანსების დასრულების შემდეგ) - მაგალითად აღჭურვილობის მოვლა-პატრონობა და შესაბამის ღირებულებათა ჯაჭვში ჩართული აქტორებისთვის ამ აღჭურვილობის გამოყენების შესაძლებლობის მიცემა.

<b>პროექტის შინაარსი</b>	
<b>განმახორციელებელი მხარეების შესაძლებლობები</b>	ადწერეთ პროექტის დასრულების შემდგომ პერიოდზე პასუხისმგებელი პირების და/ან ორგანიზაციების შესაძლებლობები (რითაც ნაჩვენები იქნება, რომ ამ აქტივობებისა და პროექტის შემდგომი პერიოდის წარმატებულად განხორციელების კარგი შანსი არსებობს).

<b>გრაფიკი და ფინანსები</b>	
<b>განხორციელების პერიოდი</b>	აღნიშნეთ პროექტის განხორციელებისთვის ნავარაუდები პერიოდი (პროექტის დაწყების თარიღი და თვეების რაოდენობა)
<b>სავარაუდო ბიუჯეტი ლარებში</b>	მიუთითეთ პროექტის მთლიანი სავარაუდო ბიუჯეტი ლარებში (მათ შორის ყველა წყაროდან მიღებული დაფინანსება).
<b>დაფინანსების წყაროები</b>	ჩამოთვალეთ დაფინანსების სავარაუდო წყაროები და თითოეული წყაროსგან მოსალოდნელი თანხები ლარებში (მაგალითად GIZ-ისგან, აპლიკანტისგან გამოყოფილი ან სხვა წყაროებისგან (მაგალითად საქართველოს სახელმწიფო პროგრამებისგან) მიღებული თანხები).